



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismus  
Catholicus, summam Christianæ institutionis III. libris  
succinctim complectens**

**Klinge, Konrad**

**Coloniae, 1570**

**VD16 K 1309**

De Christiana sepultura. tit. 248

**urn:nbn:de:hbz:466:1-29452**

illis, &c. Vide historiam. sic non sumus soli in morte, sed multi nobiscum sunt, id quod est etiã consolatio.

Quartò, Esaias capit. 9. tria commemorat de Christo, quæ maximè perpendere debet moriens ad sui consolationem. Et dicit primo, Quòd iugum oneris, id est, conscientiæ quæ est peccatum in conscientia, quæ est grauis sarcina, pertulisti. Secundò, virgã humeri, id est, mortem quæ est vita, quasi virga, aut correctio pro peccatis. Rom. 6. Stipendium peccati &c. exuperasti. Tertiò, sceptrum exactoris, id est, sathan cum inferno, qui exigit satisfactionem pro peccato, & plenam obedientiam legis tu fregisti. Hæc omnia in Iesu Christo superasti, qui in cruce vicit mortem, peccatum, infernum. Ideo dixit Simeon Luca 2. hæc perpendens: Nunc dimittis seruum tuum Domine, secundum verbum tuum in pace, quia viderunt oculi mei salutare tuum, &c. Non ergo debet homo timere mortem, &c.

DE CHRISTIANA  
*sepultura.*

TITVLVS CCXLVIII.

**P**rimò, Articulus fidei nostræ præcipuus est, quòd credimus eandem carnem nostram, quam nunc gestamus, in nouissimo die resurrectionem, & glorificandam esse in vitam æternam, iuxta Apostolũ, Phil. 3. Saluatorem expectamus Dominum nostrum Iesum Christum, qui reformabit corpus humilitatis nostræ, &c. Ideo sepultura Christiana fit cum solennitate publica, & sic propter spem & fidem resurrectionis. Cadauer animalis non sepelitur cum honore, quia spem resurrectionis non habet. Sic Paulus scribit 1. Thessa. 4. & facit sermonem, & 1. Corint. 15. Vbi prædicat de memoria fidelium, qui spem re-  
surre-

urrectionis habent, non autem gentes. Est igitur sepultura testimonium & signum, quia credimus resurrectionem, & cæt.

Secundò, in veteri testamento horribilis pœna erat, priuari honesta sepultura, & cadauer proijci sine honore, vti 4. Regum 9. de cadauere Iezabelis. Et Ierem. 22. dixit Propheta ad regem Ioachim filium Iosæ: Non plangent eum, væ frater, & væ soror: non concrepabunt ei væ mulieres, væ inclytæ: sed sepultura asini sepelietur, putrefactus & proiectus extra portas Hierusalem; eò quòd dereliquit pactum Domini Dei sui, & adorauit deos alienos, & seruiuit illis, & cæt. Horribilis ergò pœna fuit apud veterem Ecclesiam, non sepeliri cum honore, sed sepultura asini, & cæt. Abraham cum honore sepeliuit suam Saram, Genes. 23. Filij Iacob, Genes. 50. Et viduæ filius, Luca 7. Sic Ioseph quoque adiurat fratres suos, vt cum de Aegypto exierint, ossa sua secum portent ad terram Chanaan, quam Deus iurauit Abraham, Isaac & Iacob. Sed dices: Quid hoc erat opus Iosepho, cum idem sit, vbi corpus sepeliatur & cæt.? Respondeo: Hoc fecerunt, ne memoria illorum periret. Nam hoc vult Deus, vt in memoria æterna sit iustus, Psalm. 110. At apud gentes, quæ non credunt vitam futuram, nulla est memoria. Subindè, vt à sanctis & fidelibus suis iuarentur precibus. Nam apud Iudæos etiam fuisse in vsu, orare pro mortuis, docetur 2. Machabæor. 12. vbi dicitur: Sancta (id est, non peccaminosa) & salubris (id est, non inutilis) est cogitatio pro defunctis exorare, vt à peccatis, id est, peccatorum, soluantur.

Tertiò, Habet Ecclesia Catholica multa in vsu, vt conferuet fidem futuræ vitæ. Ideo memoratur sanctorum, & eos honorat, eò quòd spiritus illorum viuunt: nam non est Deus mortuorum, sed viuentium, Matth. 22. Sic habet sepulturam honestam. Sic iu-

NN

bet

bet facere pietatis opera, quarum præmium erit in futuro sæculo. Sic calligat corpus. Nam sperat & quotidie orat sibi aduenire regnum Dei, Matthæ. 6. Sic sustinemus imagines, ædificamus Ecclesias, habemus honesta sepulchra, & clypeos, arma, memorias defunctorum, & cætera. Sed cum hæc omnia parui habent hæretici, signum est, quia de futura vita dubitent, & cæt.

DE MORBO EPIDIMIAE  
*seu pestis.*

TITVLVS CCXLIX.



NOTANDVM primò, quòd pestis Epidimiae accidit aliquandò ex speciali Dei ordinatione ad peccatorum punitionem, vel iustorum probationem. Aliquandò ex causis naturalibus, vt ex corruptione aëris, &c. frequentius tamè ex utroque, quia Deus elementis vtitur & creaturis in nostram punitionem, sicut inquit sapiens, 5. cap. Armabit creaturas contra nos. Primùm patet Leuit. 26. Numer. 14. Deute. 28. Et pluribus alijs scripturæ locis, in quibus minatur Dominus pestilentiam transgressoribus legis suæ.

Secundò, pœnæ à Deo inflictæ, sicut & ira Dei, possunt mitigari per vitæ populi emendationem, & humilem ac deuotam Dei innocationem. id patet 3. Reg. 8. ex oratione Salomonis: Fames aut pestilentia si oborta fuerit, aut corruptus aer, & cæt. Et 2. Reg. vi. primo, ex oratione Dauid, quandò mortui sunt de populo in tribus diebus 70000. millia virorum. Sic dicit Sirach Ecclesiast. 38. Fili, in infirmitate tua nede- spicias teipsum, sed ora Dominum, & ipse curabit te. Sic Christus sanat filiam Chananeæ, Matt. 15. seruum centurionis, Matt. 8. paralyticum Matt. 9. &c. Et inquit: Cæci vident, claudi ambulant, & cæt. Matt. 11.

Tertiò, Causæ naturales impediri possunt in